

ლანჩხუთის მუნიციპალიტეტის საკრებულოს
თავმჯდომარეს ბატონ ბესიკ ტაბიძეს

მოხსენებითი ბარათი

ბატონო ბესიკ,

წარმოგიდგენთ, ლანჩხუთის მუნიციპალიტეტის საკრებულოს სივრცით-ტერიტორიული დაგეგმარებისა და ინფრასტრუქტურის კომისიის 2018 წლის 8 იანვარს NN2 სხდომის ოქმს, კომისიის დასკვნას, კომისიის წევრების სარეგისტრაციო ფურცელს.

დანართი-15 (თხუთმეტი) ფურცელი.

პატივისცემით,

ნინო ებრალიძე

ნინო ებრალიძე

მეორე კატეგორიის უმცროსი სპეციალისტი
საკრებულოს აპარატი

ლანჩხუთის მუნიციპალიტეტის საკრებულოს სივრცით-ტერიტორიული დაგეგმარებისა და ინფრასტრუქტურის კომისიის

სხდომის ოქმი N2

ქ. ლანჩხუთი

08.01.2018 წ

სხდომას ესწრებოდნენ კომისიის წევრები: საკრებულოს სივრცით - ტერიტორიული დაგეგმარებისა და ინფრასტრუქტურის კომისიის თავმჯდომარე გიორგი გვარჯალაძე.

კომისიის წევრები: ცისანა ურუშაძე, კახა ბოლქვაძე, ოთარ პატიეშვილი, სპარტაკ კვაჭაძე, ზაზა წულაძე, რეზო კვაჭაძე, კახა თედორაძე, იოსებ ჩხაიძე, აკაკი იმნაიშვილი, ელისო ჭიჭინაძე, ბესიკ კუპრაძე.

სხდომას არ ესწრებოდნენ კომისიის წევრები: ლელა ჩახვაძე, ამირან ქანთარია, ემზარ თევდორაძე.

მოწვეული პირი: ლანჩხუთის მუნიციპალიტეტის მერიის სოციალური და ჯანდაცვის სამსახურის უფროსი თამარ ფირცხალაიშვილი.

კომისიის თავმჯდომარემ გიორგი გვარჯალაძემ სხდომას გააცნო დღის წესრიგის პროექტი:

1. „ლანჩხუთის მუნიციპალიტეტის 2018 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე.

/მომხსენებელი: თამარ ფირცხალაიშვილი/

2. „ლანჩხუთის მუნიციპალიტეტის 2018 წლის სოციალური პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

/მომხსენებელი: თამარ ფირცხალაიშვილი/

3. „ლანჩხუთის მუნიციპალიტეტის 2018 წლის ბიუჯეტიდან სოციალურ-კულტურულ ღონისძიებეთა პროგრამების დაფინანსების წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტის განხილვის თაობაზე.

/მომხსენებელი: თამარ ფირცხალაიშვილი/

4. „ლანჩხუთის მუნიციპალიტეტის 2018 წლის ბიუჯეტიდან სოციალურ-კულტურულ ღონისძიებეთა პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტის განხილვის თაობაზე.

5. სხვადასხვა.

კომისიის თავმჯდომარემ, გიორგი გვარჯალაძემ კენჭი უყარა დღის წესრიგის პროექტს: მომხრე 12; წინააღმდეგი არცერთი.

დღის წესრიგის პირველ საკითხზე:საკრებულოს სივრცით - ტერიტორიული დაგეგმარებისა და ინფრასტრუქტურის კომისიის თავმჯდომარემ, გიორგი გვარჯალაძემ კომისიას გააცნო „ლანჩუთის მუნიციპალიტეტის 2018 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩუთის მუნიციპალიტეტის საკრებულოს დადგენილების პროექტი.მან აღნიშნა, რომ ლანჩუთის მუნიციპალიტეტის მოსახლეობის სოციალური დახმარების დანიშვნისა და გაცემის ორგანიზებას უზრუნველყოფს ლანჩუთის მუნიციპალიტეტის მერიის სოციალური და ჯანდაცვის სამსახური.

მერიის სოციალური და ჯანდაცვის სამსახურის უფროსმა, თამარ ფირცხალაიშვილმა განმარტა, რომ სოციალური დახმარების დასანიშნად ან მისაღებად დაინტერესებული პირი წერილობით განცხადებით მიმართავს და შესაბამის დოკუმენტაციას წარუდგენს ლანჩუთის მუნიციპალიტეტის მერს, რომელიც იღებს გადაწყვეტილებას დახმარების დანიშვნის ან მიღების თაობაზე მარტივი ადმინისტრაციული წარმოების დაწყების შესახებ. მერიაში შემოსული ყველა განცხადება თან დართული დოკუმენტაციითურთ შესასწავლად ეგზავნება შესაბამის სამსახურს. მერიის შესაბამისი სამსახური უზრუნველყოფს სოციალური დახმარების მიღების თაობაზე საკითხის განსახილველად მომზადებასა და გადაწყვეტილების მისაღებად საჭირო სხვა პროცედურების განხორციელებას. მაღალმთიან სოფლებში მცხოვრებ მოსწავლეთა ტრანსპორტით მომსახურების პროგრამის ფარგლებში, ა(ა)იპ ლანჩუთის წმინდა იოანე ნათლისმცემლის სახელობის სასულიერო გიმნაზიის მიერ მოწოდებული ინფორმაციის საფუძველზე. პროგრამის განხორციელების აუცილებლობას შეისწავლის მერიის შესაბამისი სამსახური და დასკვნას წარუდგენს მუნიციპალიტეტის მერს. კონკრეტული სოციალური პროგრამიდან დახმარების დასანიშნად ან მისაღებად დაინტერესებულმა პირმა განცხადებას უნდა დაურთოს შემდეგი დოკუმენტაცია: მზრუნველობა მოკლებულთა უფასო კვებით უზრუნველყოფის პროგრამა-განცხადება, პირადობის მოწმობის ან პასპორტის ასლი, სამოქალაქო რეესტრის სააგენტოდან საინფორმაციო ბარათი, ცნობა სოციალური სააგენტოდან, რომ არის სოციალურად დაუცველი და შეზღუდული შესაძლებლობების მქონე. მრავალშვილიანი ოჯახების დახმარების პროგრამა-განცხადება, მშობლების პირადობის მოწმობის ან პასპორტის ასლი, სამოქალაქო რეესტრის სააგენტოდან საინფორმაციო ბარათი, ბავშვების დაბადების მოწმობების ასლები, მშობლების ქორწინების მოწმობის ასლი, ერთ-ერთი მშობლის საბანკო ანგარიში და სოციალური სააგენტოდან ქულის ამონაწერი. მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა- განცხადება, ცნობა, რომ ბენეფიციარს არ აქვს საცხოვრებელი ფართი, ინფრასტრუქტურისა და არქიტექტურის სამსახურის დასკვნა სახლის მდგომარეობის შესახებ, განმცხადებლის და საცხოვრებელი ფართის მეპატრონის პირადობის მოწმობის ან პასპორტის

ასლი, განმცხადებლის სამოქალაქო რეესტრის სააგენტოდან საინფორმაციო ბარათი, ფართის მეპატრონის საჯარო რეესტრიდან ამონაწერი, ბენეფიციარსა და საცხოვრებელი ფართის მეპატრონეს შორის გაფორმებული ქირავნობის ხელშეკრულება და საცხოვრებელი ფართის მეპატრონის ბანკის ანგარიში, ომის მონაწილე ვეტერანებისა და მათი ოჯახების დახმარების პროგრამა-განცხადება, პირადობის მოწმობის ან პასპორტის ასლი, სამოქალაქო რეესტრის სააგენტოდან საინფორმაციო ბარათი, ცნობა სოციალური სააგენტოდან სარეიტინგო ქულის შესახებ, ვეტერანობის დამადასტურებელი მოწმობის ასლი, გარდაცვალების მოწმობის ასლი, საბანკო ანგარიში. მაღალმთიანი სოფლებიდან მოსწავლეთა ტრანსპორტირების პროგრამა-მუნიციპალიტეტის მერსა და ა(ა)იპ ლანჩხუთის წმინდა იოანე ნათლისმცემლის სახელობის სასულიერო გიმნაზიის პრორექტორს შორის გაფორმებული შეთანხმების აქტი; პრორექტორის მიერ თანხის ყოველთვიური მოთხოვნა, ბიკარბონატული ჰემოდიალუზით-თირკმლის ქრონიკული უკმარისობით დაავადებულთა სამედიცინო დაწესებულებაში ტრანსპორტირების პროგრამა-განცხადება, ცნობა ჯანმრთელობის მდგომარეობის შესახებ, ბენეფიციარის ან ოჯახის წევრის საბანკო ანგარიში და პირადობის მოწმობის ან პასპორტის ასლი, ბენეფიციარის სამოქალაქო რეესტრის სააგენტოდან საინფორმაციო ბარათი. იძულებით გადაადგილებულ პირთა დახმარების პროგრამა-განცხადება, პირადობის მოწმობის ან პასპორტის ასლი, დევნილის მოწმობის ასლი და საბანკო ანგარიში. სამკურნალო და საოპერაციო ხარჯებით დახმარების პროგრამა- ბენეფიციარმა ან მისმა ოჯახის წევრმა მუნიციპალიტეტში უნდა წარმოადგინოს: განცხადება; სამკურნალო დაწესებულების ანგარიშ-ფაქტურა და კალკულაცია; განმცხადებლის (პაციენტის) პირადობის მოწმობის ასლი (სამოქალაქო რეესტრის სააგენტოდან საინფორმაციო ბარათი); ცნობა სოციალური მომსახურების სააგენტოდან სარეიტინგო ქულის შესახებ (პროგრამით ისარგებლებენ 0-დან 150000 სარეიტინგო ქულის მქონე ბენეფიციარები); ცნობა ჯანმრთელობის მდგომარეობის შესახებ (ფორმა 100, დედანი); ცნობა დაზღვევის ფარგლებში დაფინანსების ოდენობის ან დაფინანსებაზე უარის თქმის შესახებ; ანაზღაურება მოხდება უნაღდო ანგარიშსწორების ფორმით, სამედიცინო დაწესებულების შესაბამის ანგარიშზე, გაწეული სამედიცინო მომსახურების დამადასტურებელი დოკუმენტის წარმოდგენის შემდეგ. მძიმე საცხოვრებელ პირობებში, უზედური შემთხვევისა და სტიქიური მოვლენების შემდეგ დაზარალებული ოჯახებისათვის დახმარების პროგრამა - განცხადება, ბენეფიციარის ან ოჯახის წევრის საბანკო ანგარიში, პირადობის მოწმობის ან პასპორტის ასლი (სამოქალაქო რეესტრის სააგენტოდან საინფორმაციო ბარათი), სივრცით ტერიტორიული მოწყობისა და ინფრასტრუქტურის სამსახურის დასკვნა სახლის მდგომარეობის შესახებ, შესაბამის ადმინისტრაციულ ერთეულში მერის წარმომადგენლისა და მაჟორიტარი დეპუტატის (საკრებულოს წევრის) შუამდგომლობა; „სოციალურად დაუცველი ოჯახების მონაცემთა ერთიან ბაზაში“ ოჯახისათვის მინიჭებული სარეიტინგო ქულის ამონაწერი; სსიპ „სოციალური მომსახურების სააგენტოს“ მიერ გაცემული შესაბამისი მიმართვა (ასლი) ან ცნობა; ბენეფიციარის საბანკო ანგარიში. ლანჩხუთის რეგიონალური ორგანიზაციის „გამარჯვებულ ქალთა კლუბის“ სარეაბილიტაციო პროგრამა ტუტუს კიბოს დიაგნოზით ნაოპერაციები ქალებისათვის- ორგანიზაციის მიერ წარმოდგენილ პროგრამებზე გაბარებული თანხის კალკულაციის წარმოდგენა და საბანკო ანგარიში. ხანდაზმულ (100 და მეტი წლის ასაკის) პირთა დახმარების პროგრამა-განცხადება, პირადობის მოწმობის ან პასპორტის ასლი (სამოქალაქო რეესტრის სააგენტოდან საინფორმაციო ბარათი), ბენეფიციარის საბანკო ანგარიში, უპატრონო მიცვალებულთა სარიტუალო მომსახურების პროგრამა-განცხადება, მერის

წარმომადგენლის შუამდგომლობა, გარდაცვალების მოწმობის ასლი, საბანკოანგარიში, ერთჯერადი სოციალური (ფულადი) დახმარების პროგრამა-განცხადება, განმცხადებლის (ბენეფიციარის) პირადობის მოწმობის ან პასპორტის ასლი (სამოქალაქო რეესტრის სააგენტოდან საინფორმაციო ბარათი), ბენეფიციარის საბანკო ანგარიში, სსიპ „სოციალური მომსახურების სააგენტოს“ მიერ გაცემული შესაბამისი მიმართვა ან დასკვნა, მედიკამენტების შეძენაზე დახმარების პროგრამა-განცხადება, განმცხადებლის (ბენეფიციარის) პირადობის მოწმობის ან პასპორტის ასლი (სამოქალაქო რეესტრის სააგენტოდან საინფორმაციო ბარათი), ცნობა სამედიცინო დაწესებულებიდან (ფორმა № IV-100/ა); სამედიცინო დაწესებულების/აფთიაქის მიერ სამედიცინო მომსახურების შესახებ გაცემული ანგარიშ-ფაქტურა; ცნობა სარეიტინგო ქულის შესახებ. შშმ პირის სატაუსის მქონე ბენეფიციართა სარეაბილიტაციო კურსის დაფინანსების პროგრამა-განმცხადებლის (ბენეფიციარის) პირადობის მოწმობის ან პასპორტის ასლი (სამოქალაქო რეესტრის სააგენტოდან საინფორმაციო ბარათი), ცნობა სამედიცინო დაწესებულებიდან (ფორმა № IV-100/ა);

მან ასევე აღნიშნა, რომ მერიაში შემოსულ განცხადებებს კომისიური წესით განიხილავს სამსახური თვეში ერთხელ მაინც ან აუცილებლობის გათვალისწინებით. სოციალური დახმარების გაცემის შესახებ საბოლოო გადაწყვეტილების მიღება ხდება ლანჩხუთის მუნიციპალიტეტის მერიის მიერ, რომელიც გამოსცემს შესაბამის ბრძანებას.

კომისიის თავმჯდომარემ, გიორგი გვარჯალაძემ აღნიშნა, რომ „ლანჩხუთის მუნიციპალიტეტის 2018 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტთან დაკავშირებით კომისიის წევრებს შეუძლიათ გამოთქვან და დააფიქსირონ თავიანთი მოსაზრება, შენიშვნები და წინადადებები.

საკრებულოს წევრი, იოსებ ჩხაიძე დაინტერესდა, თუ რა გადაწყვეტილება იქნა მიღებული ბიკარბონატული ჰემოდიალიზით-თირკმლის ქრონიკული უკმარისობით დაავადებულთა სამედიცინო დაწესებულებაში ტრანსპორტირების პროგრამასთან დაკავშირებით, რადგან საკრებულოს წევრების მიერ გამოთქმულ იქნა მოსაზრება მუნიციპალიტეტში დიალუზის აპარატის შეძენასთან დაკავშირებით. ამ ნაბიჯის გადაგმით პაციენტებს ადგილზე გაეწევათ შესაბამისი მომსახურება, რაც უდავოდ დიდი შვება და შეღავათი იქნებოდა მათთვის.

კომისიის თავმჯდომარემ, გიორგი გვარჯალაძემ აღნიშნა, რომ ეს წინადადება გასათვალისწინებელი და მისაღებია, მაგრამ ასევე აუცილებელი იქნება შესაბამისი კადრების გადამზადება. საბოლოოდ კი ძალიან მნიშვნელოვანი და სასარგებლო საქმე გაკეთდება.

საკრებულოს წევრებმა: კახა ბოლქვაძემ და ცისანა ურუშაძემ აღნიშნეს, რომ ეს მართლაც სასიკეთო ნაბიჯი იქნება მუნიციპალიტეტისთვის. ასევე დაეთანხმნენ იმ მოსაზრებას, რომ ასეთი მომსახურებისთვის საჭიროა შესაბამისი ცოდნის და გამოცდილების მქონე მედ-პერსონალი, რისთვისაც აუცილებელია სპეციალისტების სათანადო დონეზე გადამზადება.

მერიის სოციალური და ჯანდაცვის სამსახურის უფროსმა თამარ ფირცხალაიშვილმა აღნიშნა, რომ წარმოდგენილი პროგრამის დამტკიცება ხელს არ შეუშლის იმას, რომ დაიწყოს საკითხთან დაკავშირებით მუშაობა როგორც დიალუზის აპარატის შეძენასთან, ასევე მედ-პერსონალის გადამზადების კუთხით. პარლამენტის წევრი, ლანჩხუთი-ჩოხატაურის მაჟორიტარი დეპუტატი

სწინა წილოსანი ინფორმირებულია ამის შესახებ და მისი მხრიდან არის დაპირება დახმარებასთან დაკავშირებით. ამჟამად მუნიციპალიტეტიდან 21 ადამიანი სარგებლობს ამ პროგრამით. მათი ტრანსპორტირების დაფინანსება სამკურნალო დაწესებულებაში გაგრძელდება მანამ, სანამ ბენეფიციარებს ადგილზე არ ექნებათ აღნიშნული სერვისით სარგებლობის შესაძლებლობა, რის შემდეგაც ამ კუთხით გამოთავისუფლებული თანხა მოხმარდება სხვა სოციალური პროგრამებს.

საკრებულოს წევრმა, ცისანა ურუშაძემ აღნიშნა, რომ სახელმწიფოს მიერ შემუშავებულია ადრეული განვითარების ქვე პროგრამა, რომლითაც ბავშვებს 0- დან 7 წლამდე უწევთ სარეაბილიტაციო კურსის გავლა და ძირითადად ეხება ცერეზრალური დამზლით დაავადებულ ბავშვებს. ეს კურსი თვის განმავლობაში არის 10 დღიანი და მათი გავლა არის უფასო, მაგრამ ბავშვებს ესაჭიროებათ ტრანსპორტირება სხვა ქალაქში, რადგან ადგილზე ასეთი მომსახურების გაწევა არ ხდება. საკრებულოს წევრი დაინტერესდა, არის თუ არა ასეთი ბავშვების ტრანსპორტირების კუთხით რაიმე სახის დაფინანსება გათვალისწინებული.

მერიის სოციალური და ჯანდაცვის სამსახურის უფროსმა თამარ ფირცხალაიშვილმა აღნიშნა, რომ არის არასამთავრობო ორგანიზაცია „პროგრესის ვექტორი“, რომელიც აერთიანებს შეზღუდული შესაძლებლობების მქონე პირებს. ეს ორგანიზაცია მოიკვლევს ინფორმაციებს ასეთი პიროვნებების შესახებ, მაგრამ ძალიან ხშირად მშობლები მალავენ შვილების მდგომარეობას. აქედან გამომდინარე, არასამთავრობო ორგანიზაცია ცდილობს მშობლებთან ქონდეს ურთიერთობა, რადგან ასეთი ბავშვები არ შეიძლება იყოს ჩაკეტილები. პროგრამის მიხედვით, ერთი ბავშვის სარეაბილიტაციო კურსი ღირს 35 ლარი. მას აუცილებლად უნდა ახლდეს თანმხლები პირი, რომელიც ასევე ფინანსდება 35 ლარით. ეს კურსი არის 10 დღიანი. როცა დაკომპლექტდება მერის წარმომადგენლები, მათ ჩაუტარდებათ ტრენინგები სოციალურ პროგრამებთან დაკავშირებით და შესაბამისად მიეწოდებათ სრულყოფილი ინფორმაცია. ასევე იგეგმება ერთობლივი შეხვედრები სოციალურ მუშაკებთან ერთად, რომ მოქალაქეები უფრო მეტად იცნენ ინფორმირებული იმასთან დაკავშირებით, თუ რა სერვისით უნდა სარგებლობდნენ.

საკრებულოს წევრმა, ცისანა ურუშაძემ გამოთქვა მოსაზრება, რომ აუცილებელია დეპუტატებს ქონდეთ კონტაქტი ოჯახის ექიმთან, რადგან ისინი ფლობენ ინფორმაციას ასეთი ბავშვების შესახებ. შესაბამისად, მუნიციპალიტეტის მასშტაბით სახეზე იქნება ასეთი პიროვნებების შესახებ სათანადო მასალა. მან ასევე აღნიშნა, რომ ძალიან ხშირად ბავშვები არიან ძალადობის მსხვერპლები, როცა მოძალადეა მშობელი, რომელიც სკოლაში არ უშვებს ბავშვს. სკოლა თავის მხრივ თვალს ხუჭავს ბავშვის მიერ სასწავლო პროცესის გაცდენასთან დაკავშირებით, რადგან მასწავლებელს არ უნდა ვაუჩერის დაკარგვა, რომ უხელფასოდ არ დარჩეს. ამ მხრივ მაკონტროლებელი მექანიზმი არ არსებობს, ამიტომ აუცილებელია მერის წარმომადგენლებს, დეპუტატებს ძალადობასთან დაკავშირებითაც ჩაუტარდეთ ტრენინგები.

საკრებულოს წევრის, ელისო ჭიჭინაძის თქმით, საკრებულოს წევრებს გააჩნიათ თუ არა ასეთ ფაქტებთან მიმართებაში რაიმე ბერკეტი და მათ კომპეტენციას ხომ არ ცდება.

მერიის სოციალური და ჯანდაცვის სამსახურის უფროსმა თამარ ფირცხალაიშვილმა აღნიშნა, რომ ოჯახში ძალადობასთან დაკავშირებით ჩაუტარდათ ტრეინინგი. არ შეიძლება რომ მხოლოდ ერთ უწყებას დაეკისროს პასუხისმგებლობა, არამედ ვალდებული არიან ერთობლივად ითანამშრომლონ და შეიმუშაონ, თუ როგორ უნდა მოაგვარონ ეს პრობლემა. ასევე, მომავალ წელს იქნება სახელმწიფო ზრუნვის მხრიდან გასული ახალგაზრდების მხარდაჭერის სოციალური პროგრამა, რადგან ასეთი პირები რჩებიან პროფესიული განათლების მიღმა და მათი დასაქმების ალბათობა ძალიან მცირეა. პროგრამაში ასევე ჩართული იქნება სოციალური აგენტი, რომელსაც გააჩნია ყველანაირი ინფორმაცია ამ პიროვნებების მდგომარეობის შესახებ და მათთან კონსულტაციების საფუძველზე ასეთ ოჯახებზე გაიცემა ერთჯერადი ფულადი დახმარება.

საკრებულოს წევრის, ცისანა ურუშაძის თქმით, ერთჯერადი დახმარების წინააღმდეგია, რადგან სახელმწიფო ზრუნვის მხრიდან გასული ახალგაზრდისთვის, რომელსაც 18 წელი შეუსრულდა, უნდა მოხდეს შრომითი დასაქმების შეთავაზება, მით უმეტეს რომ პროფესიული განათლების მიღება უფასოა, მაგრამ საშუალოდ, არ ხდება მათი ბინით უზრუნველყოფა.

მერიის სოციალური და ჯანდაცვის სამსახურის უფროსმა, თამარ ფირცხალაიშვილმა აღნიშნა, რომ ამ შემთხვევაში შესაძლებელია გამოიყოს თანხა, რომელსაც პიროვნება მოიხმარს ბინით უზრუნველყოფისთვის.

დეპუტატმა, ცისანა ურუშაძემ ასევე აღნიშნა, რომ სკოლამდელი აღზრდის დაწესებულებაში არ არის პროფესიონალი პედაგოგები, ამ ადამიანებს ესაჭიროება გადამზადება.

საკრებულოს წევრის, ბესიკ კუპრაძის თქმით, ნამდვილად ვერ დაეთანხმება კოლეგას, რადგან გარკვეული პერიოდის განმავლობაში ის მუშაობდა ამ სფეროში. სკოლამდელი აღზრდის დაწესებულებაში დასაქმებულია პროფესიონალი ადამიანები, რადგან პედაგოგების შერჩევა ხდებოდა შესაბამისი კვალიფიკაციის და ცოდნის შესაბამისად.

კომისიამ მიიღო გადაწყვეტილება:

„ლანჩხუთის მუნიციპალიტეტის 2018 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩხუთის მუნიციპალიტეტის საკრებულოს დადგენილების პროექტი კომისიის წევრების მიერ მიღებულ იქნა შენიშვნების გარეშე.

კომისიის თავმჯდომარემ, გიორგი გვარჯალაძემ კენჭი უყარა დადგენილების პროექტს;

მომხრე: 12 წინააღმდეგი: არცერთი.

დღის წესრიგის მეორე საკითხზე: საკრებულოს სივრცით - ტერიტორიული დაგეგმარებისა და ინფრასტრუქტურის კომისიის თავმჯდომარემ, გიორგი გვარჯალაძემ კომისიას

გააცნო „ლანჩუთის მუნიციპალიტეტის 2018 წლის სოციალური პროგრამების დამტკიცების შესახებ“ ლანჩუთის მუნიციპალიტეტის საკრებულოს განკარგულების პროექტი.

წარმოდგენილ საკითხთან დაკავშირებით განმარტება გააკეთა მერიის სოციალური და ჯანდაცვის სამსახურის უფროსმა, თამარ ფირცხალაიშვილმა. მან აღნიშნა, რომ ლანჩუთის მუნიციპალიტეტის ბიუჯეტიდან გაცემას ექვემდებარება შემდეგი ფულადი სოციალური დახმარებები:

- ა) მზრუნველობამოკლებულთა უფასო კვებით უზრუნველყოფის პროგრამა (100000 ლარი).
- ბ) მრავალშვილიანი ოჯახების დახმარების პროგრამა (32400 ლარი).
- გ) მძიმე საცხოვრებელ პირობებში მყოფი ოჯახების დროებითი თავშესაფრით უზრუნველყოფის პროგრამა (45000 ლარი).
- დ) ომის მონაწილე ვეტერანებისა და მათი ოჯახების დახმარების პროგრამა (51000 ლარი).
- ე) მაღალმთიანის ოფლებიდან მოსწავლეთა ტრანსპორტირების პროგრამა (5500 ლარი).
- ვ) ცენტრ „იავნანას“ თანადაფინანსების პროგრამა (10000 ლარი).
- ზ) ბიკარბონატული ჰემოდიალიზით-თირკმლის ქრონიკული უკმარისობით დაავადებულთა სამედიცინო დაწესებულებაში ტრანსპორტირების პროგრამა (39800 ლარი).
- თ) იძულებით გადაადგილებულ პირთა დახმარების პროგრამა (10000 ლარი).
- ი) სამკურნალო და საოპერაციო ხარჯებით დახმარების პროგრამა (50000 ლარი).
- კ) მძიმე საცხოვრებელ პირობებში, უბედური შემთხვევისა და სტიქიური მოვლენების შედეგად დაზარალებული ოჯახებისათვის ერთჯერადი დახმარების პროგრამა (30000 ლარი).
- ლ) ლანჩუთის რეგიონალური ორგანიზაციის „გამარჯვებულ ქალთა კლუბის“ სარეაბილიტაციო პროგრამა ძუძუს კიბოს დიაგნოზით ნაოპერაციები ქალებისათვის (30000 ლარი).
- მ) ხანდაზმულ (100 და მეტი წლის ასაკის) პირთა დახმარების პროგრამა (1000 ლარი).
- ნ) უპატრონო მიცვალებულთა სარიტუალო მომსახურების პროგრამა (3000 ლარი).
- ო) ერთჯერადი სოციალური (ფულადი) დახმარების პროგრამა (52100 ლარი).
- პ) მედიკამენტების შეძენაზე დახმარების პროგრამა (35000 ლარი).
- ჟ) შშმ პირის სატაუსის მქონე ბენეფიციართა სარეაბილიტაციო კურსის დაფინანსების პროგრამა (4900 ლარი).

დეპუტატი, ცისანა ურუშაძე დაინტერესდა, მრავალშვილიანი ოჯახების დხმარების პროგრამის ფარგლებში 4 და მეტ შვილზე დახმარება მიეცემათ თუ არა სოციალურად დაუცველ ოჯახებს, რადგან მათზე გათვალისწინებულია კვების ვაუჩერი.

მერიის სოციალური და ჯანდაცვის სამსახურის უფროსმა, თამარ ფირცხალაიშვილმა განმარტა, რომ ეს პროგრამა გათვლილია ისეთ ოჯახებზე, რომლებიც არ არიან სოციალური შემწეობის მიმღები.

დეპუტატ, ელისო ჭიჭინაძის თქმით, კვების ვაუჩერებთან დაკავშირებით ძალიან ცუდი სიტუაციაა, რადგან განცხადების მიუხედავად, ასეთ ოჯახებს არ მიეწოდებათ ბავშვის საკვები, პასუხისმგებელი კი არავინ არ არის

საკრებულოს წევრმა, ცისანა ურუშაძემ აღნიშნა, რომ ასეთ შემთხვევებში სოციალური სააგენტო აგებს პასუხს, რადგან არის შემსრულებელი, მისი თქმით, მზრუნველობამოკლებულთა უფასო კვებით უზრუნველყოფას ექვემდებრება სოციალურად დაუცველი ოჯახები. სოფელ გვიმბალაურში არის რამდენიმე უკიდურესად გაჭირვებული რამდენიმე ოჯახი, რომელთაც არ აქვთ არც სოციალური და არც შეზღუდული შესაძლებლობის მქონე სტატუსი. ოჯახი, სადაც ცხოვრობს ეპილეფსიით დაავადებული ქალბატონი, მეორე ჯგუფის ინვალიდის სტატუსით იღებდა პენსიას 100 ლარის ოდენობით, მაგრამ შემდეგ გადავიდა ასაკობრივ პენსიაზე და იღებს 180 ლარს. ყავს სრულწლოვანი შვილი, რომელსაც აქვს სერიოზული პრობლემები მხედველობასთან დაკავშირებით. ამ ოჯახს სოციალურად დაუცველის სტატუსი ექნებოდა იმ შემთხვევაში, შვილი რომ იყოს არასრულწლოვანი. საკრებულოს წევრის თქმით, ასეთი შემთხვევა მუნიციპალიტეტში თითო-ორჯერ იქნება. აქედან გამომდინარე, დაინტერესდა, შესაძლებელია თუ არა, რომ დეპუტატის ან მერის წარმომადგენლის შუანდგომლობის საფუძველზე ასეთ ოჯახები ჩაერთოს მზრუნველობამოკლებულთა უფასო კვებით უზრუნველყოფის პროგრამაში.

მერიის სოციალური და ჯანდაცვის სამსახურის უფროსმა, თამარ ფირცხალაიშვილმა განმარტა, რომ ასეთ გამონაკლის შემთხვევებში დეპუტატების მიერ შემოტანილ უნდა იქნას მომართვა შესაბამის დოკუმენტაციასთან ერთად. მერიის სოციალური და ჯანდაცვის სამსახურის მიერ სოციალურ სააგენტოსთან ერთად მოხდება საკითხის შესწავლა. რის შემდეგაც მუნიციპალიტეტის მერს წარედგინება წინადადებები, რომელიც განიხილავს საკითხს, რადგან საჭიროა შესაბამისი ფინანსური უზრუნველყოფა. საბოლოოდ კი ყველა კრიტერიუმის გათვალისწინებით მოხდება სათანადო გადაწყვეტილების მიღება.

კომისიამ მიიღო გადაწყვეტილება: „ლანჩხუთის მუნიციპალიტეტის 2018 წლის სოციალური პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტი წევრების მიერ მიღებულ იქნა შენიშვნების გარეშე.

კომისიის თავმჯდომარემ, გიორგი გვარჯალაძემ კენჭი უყარა განკარგულების პროექტს; მომხრე: 11 წინააღმდეგი: არცერთი.

დღის წესრიგის მესამე საკითხზე: საკრებულოს სივრცით - ტერიტორიული დაგეგმარებისა და ინფრასტრუქტურის კომისიის თავმჯდომარემ, გიორგი გვარჯალაძემ კომისიას გააცნო

„ლანჩუთის მუნიციპალიტეტის 2018 წლის ბიუჯეტიდან სოციალურ-კულტურულ ღონისძიებებთან პროგრამების დაფინანსების წესის დამტკიცების შესახებ“ ლანჩუთის მუნიციპალიტეტის საკრებულოს დადგენილების პროექტი.

„ლანჩუთის მუნიციპალიტეტის 2018 წლის ბიუჯეტიდან სოციალურ-კულტურულ ღონისძიებებთან პროგრამების დაფინანსების წესის დამტკიცების შესახებ“ ლანჩუთის მუნიციპალიტეტის საკრებულოს დადგენილების პროექტის ხდომას გააცნო მერიის სოციალური და ჯანდაცვის სამსახურის უფროსმა, თამარ ფირცხალაიშვილმა. მან აღნიშნა, რომ წინამდებარე წესი აწესრიგებს ლანჩუთის მუნიციპალიტეტის 2018 წლის ბიუჯეტის სოციალურ-კულტურული ღონისძიებების კულტურულ, სპორტისა და ახალგაზრდულ ღონისძიებათა დაფინანსებასთან დაკავშირებულ ურთიერთობებს, განსაზღვრავს სხვადასხვა პროგრამიდან თანხის გაცემაზე უფლებამოსილ უწყებას, ადგენს ღონისძიებათა დაფინანსების ძირითად მოთხოვნებს. სოციალურ-კულტურულ ღონისძიებათა პროგრამის დაფინანსებას, კანონმდებლობით დადგენილი წესით, უნაღდო ანგარიშსწორების გზით ახორციელებს ლანჩუთის მუნიციპალიტეტის მერიის საფინანსო-სამიუჯეტო სამსახური.

დეპუტატმა ბესიკ კუპრაძემ გამოთქვა აზრი, რომ სუფსაში გაიხსნა რაგბის სკოლა. ბავშვებს ვარჯიშები უტარდებათ სხვადასხვა სტაიონზე. აქედან გამომდინარე, უნდა გამოინახოს გარკვეული ფინანსები, რათა უზრუნველყოფილი იქნას ბავშვების ტრანსპორტირება.

დეპუტატმა ზაზა წულაძემ აღნიშნა, რომ მუნიციპალიტეტს ყავს წარმატებული ბავშვები ძიუდოსა და კარატეში. ამ ბავშვებზე არის თუ არა გათვალისწინებული თუნდაც ფულადი ჯილდო წახალისების სახით..

მერიის სოციალური და ჯანდაცვის უფროსის თამარ ფირცხალაიშვილის თქმით მწვრთნელების და სპორტსმენების წახალისების პროგრამა ითვალისწინებს მხოლოდ ოლიმპიური სახეობებში ჯილდოს სახით წახალისების გადაცემას..

კომისიამ მიიღო გადაწყვეტილება: „ლანჩუთის მუნიციპალიტეტის 2018 წლის ბიუჯეტიდან სოციალურ-კულტურულ ღონისძიებებთან პროგრამების დაფინანსების წესის დამტკიცების შესახებ“ ლანჩუთის მუნიციპალიტეტის საკრებულოს დადგენილების კომისიის წევრების მიერ მიღებულ იქნა შენიშვნების გარეშე.

კომისიის თავმჯდომარემ, გიორგი გვარჯალაძემ კენჭი უყარა დადგენილების პროექტს;

მომხრე: 11 წინააღმდეგი არცერთი.

დღის წესრიგის მეოთხე საკითხზე: საკრებულოს სივრცით - ტერიტორიული დაგეგმარებისა და ინფრასტრუქტურის კომისიის თავმჯდომარემ, გიორგი გვარჯალაძემ სხდომას გააცნო „ლანჩუთის მუნიციპალიტეტის 2018 წლის ბიუჯეტიდან სოციალურ-კულტურულ ღონისძიებებთან პროგრამების დამტკიცების შესახებ“ ლანჩუთის მუნიციპალიტეტის საკრებულოს განკარგულების პროექტი. მან აღნიშნა, რომ ლანჩუთის მუნიციპალიტეტის ბიუჯეტით გათვალისწინებული სოციალურ-კულტურულ ღონისძიებათა პროგრამებია:

ა) საჩუქრებისა და პრიზების შეძენის პროგრამა;

- ბ) ახალგაზრდული პროექტების თანადაფინანსების პროგრამა;
- გ) სასკოლო სპორტული ოლიმპიადის და სპორტი ბარიერების გარეშე ჩატარების პროგრამა;
- დ) შეზღუდული შესაძლებლობების მქონე ახალგაზრდების საზოგადოებაში ინტეგრაციის პროგრამა;
- ე) ახალგაზრდული სპორტული ტურნირების მხარდაჭერის პროგრამა;
- ვ) სხვადასხვა ღონისძიებებზე სპორტსმენებისა და ახალგაზრდების ტრანსპორტირების პროგრამა;
- ზ) წარმატებულისპოტსმენების და მწვრთნელების წახალისების პროგრამა;
- თ) შემოქმედთა წახალისების პროგრამა;
- ი) ტრანსპორტირებით დახმარების პროგრამა;
- კ) კულტურულ-საგანმანათლებლო და შემეცნებითი პროექტების თანადაფინანსების პროგრამა;
- ლ) სოც-კულტურული ღონისძიებების ორგანიზების პროგრამა;

წარმოდგენილი საკითხის შესახებ ისაუბრა თამარ ფირცხალაიშვილმა. მან აღნიშნა, რომ სოციალურ-კულტურულ ღონისძიებათა პროგრამიდან დაფინანსების მისაღებად დაინტერესებული პირი (კონკრეტული ღონისძიების ორგანიზატორი ან სამსახური, ვის მიერაც ხდება სამიზნე ჯგუფის შერჩევა), წერილობითი განცხადებით მიმართავს და შესაბამის დოკუმენტაციას წარუდგენს ლანჩხუთის მუნიციპალიტეტის მერს, რომელიც იღებს გადაწყვეტილებას ღონისძიების დაფინანსების თაობაზე მარტივი ადმინისტრაციული წარმოების დაწყების შესახებ. კონკრეტული ღონისძიების უნდა ახლდეს ჩასატარებელი ღონისძიებების პროგრამა. მუნიციპალიტეტის მერიის სამსახურის შუამდგომლობით, შესაბამისი სამსახური უზრუნველყოფს სოციალურ-კულტურულ ღონისძიებათა პროგრამებიდან დაფინანსების მთხოვნელთა განცხადებების განხილვას კანონმდებლობით დადგენილი წესით. შემოსულ განცხადებებს განიხილავს და შესაბამის დასკვნას ამზადებს ლანჩხუთის მუნიციპალიტეტის მერიის სამსახური.

კომისიამ მიიღო გადაწყვეტილება: „ლანჩხუთის მუნიციპალიტეტის 2018 წლის ბიუჯეტიდან სოციალურ-კულტურულ ღონისძიებათა პროგრამების დამტკიცების შესახებ“ ლანჩხუთის მუნიციპალიტეტის საკრებულოს განკარგულების პროექტი „ლანჩხუთის მუნიციპალიტეტის წევრების მიერ მიღებულ იქნა შენიშვნების გარეშე.

კომისიის თავმჯდომარემ, გიორგი გვარჯალაძემ კენჭი უყარა განკარგულების პროექტს;

მომხრე: 11 წინააღმდეგი: არცერთი.

სხვადასხვა:

საკრებულოს წევრმა, ბესო კუპრაძემ აღნიშნა, რომ სუფსის თემში საჭიროა ცენტრის მონაკვეთის მოასფალტირება.

საკრებულოს წევრის, ცისანა ურუშაძის თქმით, ითხოვს გვიმბალაურში სკვერის გაკეთებას. საკრებულოს წევრის, რეზო კვაჭაძის თქმით, შრომისუბანში სასაფლაოსთან აუცილებელია გარე განათების გაკეთება.

საკრებულოს წევრის, კახა თედორაძემ აღნიშნა, რომ სოფელ ღრმადელეში, ე.წ. ქვიშიანის უბანში, მოსაწესრიგებელია საყანე ფართობში მისასვლელი გზა.

საკრებულოს წევრის, ზაზა წულაძის თქმით, სოფელ ჩოლობარგის სკოლასთან ცუდ მდგომარეობაშია გზა, რომელიც აუცილებელია ასფალტის ან ბეტონის საფარით დაიფაროს. ასევე, ჩოლობარგში ჩიჩუბის და ფირცხალაიშვილების უბანში აუცილებელია გზის მოხრეშვითი სამუშაოები, ქვიანში, ბერიების უბანში დაახლოებით 200 სიგრძის მონაკვეთზე საჭიროა გზის მოხრეშვა და მოასფალტება.

საკრებულოს წევრმა, აკაკი იმნაიშვილმა აღნიშნა, რომ სოფელ შუხუთში, ორაგველიძეების და უგრეხელიძის უბნებში გასაკეთებელია გზები და სანიაღვრე არხები. ასევე, ქვემო და ზემო შუხუთში არის წყლის და გარე განათების პრობლემები.

ამით კომისიამ მუშაობა დაასრულა.

საკრებულოს სივრცით-ტერიტორიული
დაგეგმარებისა და ინფრასტრუქტურის
კომისიის თავმჯდომარე:

გიორგი გვარჯალაძე

ლანჩხუთის მუნიციპალიტეტის საკრებულოს
სივრცით-ტერიტორიული დაგეგმარებისა და
ინფრასტრუქტურის კომისია

2800 ლანჩხუთი, კოსტავის 37 0 494 22 30 19

ლანჩხუთის მუნიციპალიტეტის საკრებულოს სივრცით-ტერიტორიული დაგეგმარებისა
და ინფრასტრუქტურის კომისიის

სხდომის დასკვნა N2

ქ.ლანჩხუთი

08.01.2018წ.

2018 წლის 8 იანვარს მოწვეული იქნა ლანჩხუთის მუნიციპალიტეტის
საკრებულოს სივრცით-ტერიტორიული დაგეგმარებისა და ინფრასტრუქტურის
კომისიის სხდომა.

სხდომამ განიხილა დღის წესრიგით გათვალისწინებული საკითხი:

1. „ლანჩხუთის მუნიციპალიტეტის 2018 წლის ბიუჯეტიდან სოციალური დახმარების
გაცემისა და მიღების წესის დამტკიცების შესახებ“ ლანჩხუთის მუნიციპალიტეტის
საკრებულოს დადგენილების პროექტის განხილვის თაობაზე.

/მომხსენებელი: თამარ ფირცხალაიშვილი/

2. „ლანჩხუთის მუნიციპალიტეტის 2018 წლის სოციალური პროგრამების დამტკიცების
შესახებ“ ლანჩხუთის მუნიციპალიტეტის საკრებულოს განკარგულების პროექტის
განხილვის თაობაზე.

/მომხსენებელი: თამარ ფირცხალაიშვილი/

3. „ლანჩხუთის მუნიციპალიტეტის 2018 წლის ბიუჯეტიდან სოციალურ-კულტურულ
ღონისძიებეთა პროგრამების დაფინანსების წესის დამტკიცების შესახებ“ ლანჩხუთის
მუნიციპალიტეტის საკრებულოს დადგენილების პროექტის განხილვის თაობაზე.

/მომხსენებელი: თამარ ფირცხალაიშვილი/

4. „ლანჩუთის მუნიციპალიტეტის 2018 წლის ბიუჯეტიდან სოციალურ-კულტურულ ღონისძიებეთა პროგრამების დამტკიცების შესახებ“ ლანჩუთის მუნიციპალიტეტის საკრებულოს განკარგულების პროექტის განხილვის თაობაზე.

/მომხსენებელი: თამარ ფირცხალაიშვილი/

5.სხვადასხვა.

დღის წესრიგის პირველ საკითხზე კომისიის წევრების მიერ გამოთქმული შენიშვნების გათვალისწინებით სხდომამ მიიღო გადაწყვეტილება „ლანჩუთის მუნიციპალიტეტის 2018 წლის ბიუჯეტიდან სოციალური დახმარების გაცემისა და მიღების წესის დამტკიცების შესახებ“ ლანჩუთის მუნიციპალიტეტის საკრებულოს დადგენილების პროექტი წარმოდგენილი სახით გადაეცეს საკრებულოს სხდომას განსახილველად.

დღის წესრიგის მეორე საკითხზე კომისიის წევრების მიერ შენიშვნები არ გამოთქმული სხდომამ მიიღო გადაწყვეტილება „ლანჩუთის მუნიციპალიტეტის 2018 წლის სოციალური პროგრამების დამტკიცების შესახებ“ ლანჩუთის მუნიციპალიტეტის საკრებულოს განკარგულების პროექტი წარმოდგენილი სახით გადაეცეს საკრებულოს სხდომას განსახილველად.

დღის წესრიგის მესამე საკითხზე კომისიის წევრების მიერ შენიშვნები არ გამოთქმულა სხდომამ მიიღო გადაწყვეტილება „ლანჩუთის მუნიციპალიტეტის 2018 წლის ბიუჯეტიდან სოციალურ-კულტურულ ღონისძიებეთა პროგრამების დაფინანსების წესის დამტკიცების შესახებ“ ლანჩუთის მუნიციპალიტეტის საკრებულოს დადგენილების პროექტი წარმოდგენილი სახით გადაეცეს საკრებულოს სხდომას განსახილველად.

დღის წესრიგის მეოთხე საკითხზე კომისიის წევრების მიერ შენიშვნები არ გამოთქმულა სხდომამ მიიღო გადაწყვეტილება „ლანჩუთის მუნიციპალიტეტის 2018 წლის ბიუჯეტიდან სოციალურ-კულტურულ ღონისძიებეთა პროგრამების დამტკიცების შესახებ“ ლანჩუთის მუნიციპალიტეტის საკრებულოს განკარგულების პროექტი წარმოდგენილი სახით გადაეცეს საკრებულოს სხდომას განსახილველად.

სივრცით-ტერიტორიული
დაგეგმარებისა და ინფრასტრუქტურის
კომისიის თავმჯდომარე

გ.გ.გ.გ.გ.გ. გიორგი გვარჯალაძე

ლანჩხუთის მუნიციპალიტეტის საკრებულოს სივრცით - ტერიტორიული
დაგეგმარებისა და ინფრასტრუქტურის კომისიის სარეგისტრაციო ფურცელი.

08.01.2017 წ.

1.	გიორგი გვარჯალაძე	
2.	ცისანა ურუშაძე	მ. მკ. ხ. 5. 1. 1. 1.
3.	კახა ზოლქვაძე	მ. ურ. 1. 1. 1. 1.
4.	ზესიკ კუპრაძე	მ. ურ. 1. 1. 1. 1.
5.	ოთარ პატიუშვილი	მ. ურ. 1. 1. 1. 1.
6.	სპარტაკ კვაჭაძე	მ. ურ. 1. 1. 1. 1.
7.	ლელა ჩახვაძე	მ. ურ. 1. 1. 1. 1.
8.	ზაზა წულაძე	მ. ურ. 1. 1. 1. 1.
9.	რეზო კვაჭაძე	მ. ურ. 1. 1. 1. 1.
10.	კახა თედორაძე	მ. ურ. 1. 1. 1. 1.
11.	იოსებ მხაიძე	მ. ურ. 1. 1. 1. 1.
12.	ემზარ თევდორაძე	მ. ურ. 1. 1. 1. 1.

13	ამირან ქანთარია	ახ. ენციკლოპედია
14	აკაკი იმნაიშვილი	ნ. გ. გ.
15	ელისო ჭიჭინაძე	ე. გ. გ.